

ka karangatia te mate, te waiho ma te mate e haere mai! E 37 tau i muri iho ka whakaritea ta ratou karanga, a inaianei kei te ao katoa a ratou tamariki e marara ana, e tukinotia ana, e whakamatea ana. Ko to ratou Ariki i mohio ki te kino o te mate ma whakapungia mai ki a ratou, na reira ia i tangi ai mo Hiruharama, i mea ai:—

“E Hiruharama, e Hiruharama, ano te tini o aku meatanga kia whakaminea o tamariki, kia peratia me te heihēi e whakamine nei i ana pi ki raro i ona parirau, a kihai koutou i pai!”

Otiira tera ano te wa kei te haere mai e whakawhaititia ai e Ihowa tona iwi tawhito, e mohio ai ratou kua tae noa mai to ratou Mihiā i haere mai nei ki a ratou a kahore i manakohia e ratou, tēna ko te hunga i manako ki a ia — Hurai tautiwi ranei — i meinga hei tamariki ma te Atua. E nga tautiwi Maori ko te hinganga o nga Hurai he taonga ki a tatou, engari kia tupato, tukua te whakapono ki te ngakau kua e waiho i nga ngutu piri ai. “Na kihai nei i tohungia nga manga tupu e te Atua, kia tupato kei kore pea koe e tohungia.” (Roma xi. 21.)

TE HOARI ME TE RIPEKA.

I te mea kaore ano te whawhai ki Awherika kia timata nei, ka ki a Kurutia, e toru baora ia i inoi ai ki te Atua mehemēa e tika ana kia whawhai ia ki te Igarahi, a whakamāetia mai ana e te Atua. I whakamanamana ano ia i mea ma Ihowa e whakatika te matua a te Pea, e whakakotiti ke ta te Igarahi, a he mutunga mo Igarangi ka pera me Heriko i horo nei i te aroaro o te ope a Ihowa o nga mano. He whakaaro na te Pea ko ratou te iwi whiriwhiri a te Atua, ko te awa o Waara a Horano, ko Tarawaraa a Kanaana. Kei te pohehe ratou no ratou anake te Atua, a mehemēa he tangata te Atua, kua pororaru noa iho nga whakaaro i te kore e mohio ko te hea taha ra e awhina, i te mea e karanga katoa ana nga taba e rua ki a ia.

E kore matou e whai kupu mo te whakapono o te Pea; te holonutanga, te papakutanga ranei, engari he kupu ruarua nei a matou mo te taha ki te Igarahi. Ko Kuini Wikitoria te upoko o “te rangatiratanga e kore nei te ra e toene ki runga.” Ki te uia ki a ia, “He aha te rahi o Igarangi?” tera ia e whakahoki mai “Ko te Paipera.” Ki te korerotia nga korero whakapapa o Igarangi, onamata a mohoa noa nei, tera e marama ko te Atua tona kai-

arahi, kai-tiaki, a heoi ano e whakarere ai a Igarangi e Ihowa ma tona wareware ki a ia.

E hari ana matou mo te puta o te whakaaro o etahi o nga hoia nunui o Igarangi ki te whakapono; he pera ano etahi o nga apiha ririki, me tenei hoki i te parangeeki nei o te hoia. Kua rongu te tangata mo Tianara Korano, te tianara Karaitiana. E kīia ana he mahi nana te inoi ahakoa e haere ana ki te whawhai. Mehemēa kei te inoi ia ka waiho tona aikiha ma ki waho o tona teneti, hei tohu ki te tangata kia kua rawa e tomo ki roto, kei whakaohoho i a ia, ahakoa he aha te korero. Ko Awheraka tetahi tianara rongonui o te Igarahi. I puta tona ingoa i nga whai-whaitanga i Inia. He tino tangata whakapono tenei, kaore hoki tona rama i hunaia ki raro i te puhara. I huaina etahi o ana hoia “ko te hunga tapu a Awheraka.” Ia ia e whakahemo-hemo ana he taotu, ka puaki tana kupu, “Matakitaki ki to te Karaitiana matenga.”

I te oranga o Reirimete ka patua e Rore Rapata tana waea ki a Tianara Waiti, “Kia whakapaingia te Atua, mona i whakarongo mai ki nga inoi a te iwi.” He tangata whakapono a Rapata ki te kaha o te inoi, inahoki kua whakabaua e ia ana hoia katoa kia inoi i tetahi inoi he mea ata tūhitihi, he inoi tino pai atu nga kupu, kua panuitia e nga nu-pepa pakeha, a kua whakamaoritia hei titiro ma tenei i te mangere nei ki te karanga atu ki te Atua o Awheraka, o Korano, o Rapata, o Kuini Wikitoria.

Tera atu ano etahi hoia nunui e kore ana e whakaparauhako ki te Kara o te Ripeka, kaati ko enei e korero ake, ko enei o nga uri o Koroniria. E tino mohiotia ana tenei iwi te hoia he iwi tutu, he iwi whakaaro-kore ki te Atua, otiira kua kitea he hoia etahi tangata whakapono atu i te ao. No wai ranei te whakapono i kīia nei e te Karaiti, “Kahore ano ahau i kite noa i te whakapono hei rite mo tenei te nui, i roto i a Iharaia?” Ki te kaha te tangata ki te whakapono i runga i te mahi hoia, ko wai e kore e kaha ki te whakapono ina hiahia kia whakapono? Ahakoa he aha te mahi a te tangata ka taea ia e te Atua te whakaora i a ia ano i roto o taua mahi, otiira ki te kore ia e taea e te Atua te whakaora ko taua mahi na te rewera, me whakarere atu. Ka tika hoki te whakatupato a Ratiana Kipiringi i tona iwi:

E te Atua o matou tupuna, i matanua inamata. Te kai-haui o nga matua e pae nei;
Kei raro i te kapakapa o tau ringa,
O matou mana e whakahaere nei.
E te Ariki e te Atua o nga mano e noho kia matou
Kei wareware kei wareware matou.